
OFFERYNNAU STATUDOL CYMRU

2011 Rhif 2498 (Cy.271)

PLANT A PHOBL IFANC, CYMRU

**Rheoliadau Amddiffyn rhag Tybaco (Gwerthiannau
o Beiriannau Gwerthu) (Cymru) 2011**

Gwnaed - - - - *18 Hydref 2011*
Yn dod i rym - - *1 Chwefror 2012*

Mae Gweinidogion Cymru yn gwneud y Rheoliadau canlynol drwy arfer y pwerau a roddwyd gan adran 3A o Ddeddf Plant a Phobl Ifanc (Amddiffyn rhag Tybaco) 1991(1).

Mae drafft o'r Rheoliadau hyn wedi ei osod gerbron Cynulliad Cenedlaethol Cymru ac wedi ei gymeradwyo drwy benderfyniad ganddo yn unol ag adran 3A(7)(b) o'r Ddeddf honno.

Enwi, cychwyn a chymhwyso

1.—(1) Enw'r Rheoliadau hyn yw Rheoliadau Amddiffyn rhag Tybaco (Gwerthiannau o Beiriannau Gwerthu) (Cymru) 2011 a deuant i rym ar 1 Chwefror 2012.

(2) Mae'r Rheoliadau hyn yn gymwys o ran Cymru.

Gwahardd gwerthu tybaco o beiriannau gwerthu

2.—(1) Gwaherddir gwerthu tybaco(2) o beiriant awtomatig.

(2) Bydd y person sydd â rheolaeth ar y fangre y lleolir y peiriant awtomatig ynddi, neu sy'n ymwneud â rheoli'r fangre honno, yn atebol am doriad o baragraff (1)(3).

(3) Yn y rheoliad hwn, mae “mangre” (“*premises*”) yn cynnwys unrhyw le ac unrhyw gerbyd, llong, hofrenfad, stonddin neu adeiledd symudol.

(1) 1991 p.23. Mewnosodwyd adran 3A gan Ddeddf Iechyd 2009 (p.21), adran 22. *Gweler* adran 3A(8) am y diffiniad o “the appropriate national authority”.

(2) Mae i'r term “tybaco” yr un ystyr â “tobacco” yn adran 7 o Ddeddf Plant a Phobl Ifanc 1933 (p.12).

(3) Yn unol ag adran 3A(3) o Ddeddf Plant a Phobl Ifanc (Amddiffyn rhag Tybaco) 1991, bydd y cyfryw berson yn euog o dramgwydd os caiff y gwaharddiad yn rheoliad 2(1) ei dorri. Yn unol ag adran 3A(4) o'r Ddeddf honno, mae person sy'n euog o dramgwydd o dan adran 3A(3) yn agored, o'i gollfarnu'n ddiannod, i ddirwy na fydd yn fwy na lefel 4 ar y raddfa safonol.

Statws *This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.*

18 Hydref 2011

Lesley Griffiths
Y Gweinidog Iechyd a Gwasanaethau
Cymdeithasol, un o Weinidogion Cymru

EXPLANATORY NOTE

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn gwahardd gwerthu tybaco o beiriant awtomatig.

Mae rheoliad 2 yn gwahardd gwerthu tybaco o beiriant awtomatig. Gwneir y person sydd â rheolaeth ar y fangre y lleolir y peiriant awtomatig ynddi, neu sy'n rheoli'r fangre honno, yn atebol am doriad o'r gwaharddiad hwn.

Hysbyswyd y Comisiwn Ewropeaidd am ddrafft o'r Rheoliadau hyn fel safon dechnegol yn unol â Chyfarwyddeb 98/34/EC Senedd Ewrop a'r Cyngor (OJ Rhif L204, 21.7.1998, t.37) sy'n gosod gweithdrefn ar gyfer darparu gwybodaeth ym maes safonau a rheoliadau technegol, fel y'i diwygiwyd.

Paratowyd asesiad effaith rheoleiddiol llawn o effaith yr offeryn hwn ar gostau busnes, a rhoddwyd ef yn llyfrgell Cynulliad Cenedlaethol Cymru. Gellir cael copïau ohono o'r Gangen Ymddygiadau Risg i Iechyd, Parc Cathays, Caerdydd, CF10 3NQ.